

NEWYDDION DIWEDDARAF

Ysgol y Gymraeg Gaeaf/Gwanwyn 2008

1883-2008
125
YEARS BLYNED


PRIFYSGOL
CAERDYDD
CARDIFF
UNIVERSITY

Lansio Chwe Llyfr




Cynhaliwyd derbyniad nos Lun 10fed Rhagfyr, i ddathlu cynnyrch diweddaraf y staff, yng nghwmni Rhodri Glyn Thomas AC, Gweinidog dros Dreftadaeth.

Yr awduron, eu cyhoeddiadau a'r Gweinidog dros Dreftadaeth.



Gwaith Rhys Goch Eryri [Cyfres Beirdd yr Uchelwyr], gol.

Dylan Foster Evans
(Canolfan Uwchefrydiau Cymreig a Cheltaidd Prifysgol Cymru)



Glyndŵr a Gobaith y Genedl,

E. Wyn James
(Cymdeithas Lyfrau Ceredigion)

Bardd Pengwern: Detholiad o Gerddi Jonathan Hughes, Llangollen (1721-1805), gol.



Language and Governance, gol.

Colin H. Williams
(Gwasg Prifysgol Cymru)

Linguistic Minorities in Democratic Context,


Colin H. Williams
(Palgrave Macmillan)



Siwan Rosser
(Cyhoeddiadau Barddas)

Language and the City,

Diarmait Mac Giolla Chríost (Palgrave Macmillan)



Dwy Wefan Newydd

www.rhyddiaithganoloesol.caerdydd.ac.uk

Gwefan a noddwyd gan yr AHRC sy'n cyflwyno corff chwiliadwy o ryddiaith yr Oesoedd Canol. Gellwch weld cynnwys 28 o lawysgrifau yma: rhyw 1.8 miliwn o eiriau. Mae'r llawysgrifau'n ymgorffori dros 100 o destunau ar wahanol feysydd. Adnodd amhrisiadwy ar gyfer ymchwil pellach i iaith, llenyddiaeth, hanes a diwylliant y cyfnod. Arweinydd y prosiect oedd yr Athro Peter Wynn Thomas a'r ymchwilwyr oedd y Dr Diana Luft a'r Dr Mark Smith.

www.e-gymraeg.org/cronfabaledi

Gwefan sy'n rhoi mynediad i fynegai cyfrifiadurol i faledi argraffedig y 18fed ganrif. Fe'i datblygwyd ar y cyd rhwng y Dr E Wyn James yma yng Nghaerdydd a'r Athro Peredur Lynch o Brifysgol Bangor, ac fe'i noddwyd gan y Bwrdd Gwybodaau Celtaidd. Ceir yma drysorfa o wybodaeth at ddant y beirniad llên, yr ieithydd, y cerddor a'r hanesydd.

Ysgoloriaethau Prifysgol Caerdydd

- Longyfarchiadau i Hanna Hopwood, Lisa Williams, Catrin Fflur Jones a Caryl Pritchard ar ennill Ysgoloriaethau Prifysgol Caerdydd 2007—gwerth £3,000 yr un. Fe'u dyfemir i'r ymgeiswyr a chanddynt y canlyniadau gorau yn eu harholiadau Safon Uwch. Rydym yn ymfalchio yn llwyddiant y myfyrwyr hyn ac yn dymuno'n dda iddynt yma yn y brifddinas. Bydd pedair ysgoloriaeth debyg ar gael yn 2008.
- Longyfarchiadau hefyd i Llŷr Lewis a Huw Foulkes ar ennill gwobrau o £400 yr un am berfformiad academaidd arbennig yn sesiwn 2006/07. Mae'r ddau yn weithgar dros ben ym mywyd Cymraeg y Brifysgol—Llŷr yw Llywydd y Gym Gym (Cymdeithas Gymraeg y myfyrwyr), a Huw yw arweinydd Aelwyd y Waun Ddyfal (gweler trosodd).

Ysgoloriaethau Ysgol y Gymraeg

- Dyfarnwyd 7 ysgoloriaeth o £400 yr un y llynedd i fyfyrwyr is-raddedig. Fe'u dyfemir ar sail rhagoriaeth mewn papur arholiad a osodir gan yr Ysgol. Gofynnir i ymgeiswyr sydd am wneud cais eleni anfon eu henwau i Ysgol y Gymraeg erbyn **12 Chwefror 2008**. Am ragor o wybodaeth cysylltwch â'r Dr Siwan Rosser: rossersm@caerdydd.ac.uk
- Bydd ysgoloriaethau hael o hyd at £2,000 yr un ar gael ar gyfer myfyrwyr ôl-raddedig. Am ragor o wybodaeth cysylltwch â'r Dr Diarmait Mac Giolla Chríost: macgiollachriostd@caerdydd.ac.uk

Mae'r Gymraeg yng Nghaerdydd yn 125 mlwydd oed eleni. Gwylwch ein gwefan i gael rhagor o fanylion am y dathlu!

Aelwyd y Waun Ddyfal



Sefydlwyd Aelwyd y Waun Ddyfal yn 2006; erbyn hyn mae ganddi dros 100 o aelodau. Mae'r rhan fwyaf ohonynt yn fyfyrwyr (a llawer yn fyfyrwyr yn Ysgol y Gymraeg) er bod croeso i unrhyw un rhwng 14 a 25 oed ymuno. Bu'r Aelwyd yn brysur dros ben y llynedd yn cystadlu yn Eisteddfod yr Urdd am

tro cyntaf a chael llwyddiant arbennig yn y cystadlaethau corawl, dawnsio a llenyddol. Llwyddiant diweddaraf yr Aelwyd oedd cipio'r wobwr gyntaf yn y brif gystadleuaeth gorawl yn yr Ŵyl Gerdd Dant yn ogystal â derbyn y drydedd wobwr yng nghystadleuaeth y Côr Alawon Gwerin Agored. Mae'r Aelwyd yn cynnal nifer o weithgareddau cymdeithasol ac mae Côr yr Aelwyd yn cystadlu'n gyson. Bu'r Aelwyd yn ffilmio ar gyfer rhaglen arbennig yn y gyfres 'Dechrau Canu, Dechrau Canmol' dros y Nadolig, ac mae'r calendr ar gyfer 2008 yn prysur lenwi!

Os oes gennych ddi-ddordeb mewn ymuno â'r Aelwyd, ewch i'r wefan www.waunddyfal.co.uk. Mae Côr yr Aelwyd yn ymarfer bob nos lau am 6.30pm yng nghapel yr Eglwys Efengylaidd Gymraeg, Harriet Street. Dewch yn llw!

Y Gynhadledd Faledi Ryngwladol



Tro Cymru yw hi i groesawu'r Gynhadledd Faledi Ryngwladol eleni, ac fe'i cynhelir yma yn Ysgol y Gymraeg o **nos Lun, 28 Gorffennaf** hyd **brynhawn Sadwrn, 2 Awst 2008**.

Mae'r Ysgol yn arbenigo ar ymchwil i faledi a chanu poblogaidd, ac yn cyfrannu'n helaeth i astudiaethau gwerin yng Nghymru – nid lleiaf trwy'r radd MA mewn Astudiaethau Gwerin a ddysgir ar y cyd rhwng yr Ysgol a'r Amgueddfa Werin yn Sain Ffagan.

Am ragor o wybodaeth ewch at ein gwefan a dilyn y ddolen, neu e-bostiwch Baledi@caerdydd.ac.uk

Llun o faled oddi ar wefan Baledi Cymru (gol. Dr E Wyn James)

Llenyddiaeth Plant

Mae Ysgol y Gymraeg yn torri tir newydd drwy gynnig modiwl is-raddedig newydd ar Llenyddiaeth Plant. Er bod arwyr megis Barti Ddu a Luned Bengoch yn agos at galonnau sawl un ohonom, ychydig o sylw beirniadol a gafodd Llenyddiaeth plant fel pwnc academaidd yng Nghymru. Bwriad y Dr Siwan Rosser yw ceisio unioni'r cam hwnnw drwy archwilio swyddogaeth ac arwyddocâd Llenyddiaeth plant yn ei chyd-destun hanesyddol, diwylliannol a theoretig ar y modiwl newydd arloesol hwn.

PhD Ysgrifennu Creadigol

Cynllun newydd sbon (llawn neu ran-amser) ar gyfer myfyrwyr a chanddynt ddi-ddordeb mewn ymestyn eu sgiliau ysgrifennu creadigol. Cyfle i weithio gyda rhai o lenorion amlycaf y brifddinas. Am ragor o wybodaeth, cysylltwch â'r Athro Sioned Davies: daviesm@caerdydd.ac.uk

Dysgu Cymraeg dros yr haf

Denwyd myfyrwyr o bedwar ban byd i'n cwrs Cymraeg ail-iaith y llynedd—o Gymru, Lloegr, Ariannin, yr Almaen, America, Ffindir, Gwlad Pwyl, De Affrica, Sbaen, yr Eidal ac Iwerddon. Ymysg y rhain yr oedd nifer o'n myfyrwyr ail-iaith, blwyddyn gyntaf. Canmolwyd safon uchel y dysgu gan bawb. Os am gofrestru ar ein Cwrs Haf eleni (30 Mehefin – 22 Awst), cysylltwch â'n Canolfan Cymraeg i Oedolion: www.caerdydd.ac.uk/cymraeg/canolfan



Am ragor o wybodaeth, cysylltwch ag

Ysgol y Gymraeg, Prifysgol Caerdydd, Adeilad y Dyniaethau, Rhodfa Colum, Caerdydd CF10 3EU

Ffôn: **029 2087 4843**

E-bost: cymraeg@caerdydd.ac.uk

Gwefan: www.caerdydd.ac.uk/cymraeg

